

Ventgatschunavla radunonza generala dil **Forum cultural Tujetsch**

Venderdis, ils 20 da schaner 2024, allas 19.00 uras en sala dil Museum La Truaisch Sedrun.

Protocol

1 Beinvegni

President André Schmid beneventa ils tschun presents/a alla radunonza da gestiun dil Forum cultural Tujetsch.

Perstgisas: Mudest Venzin, Beni Hendry, Simon Cavegn ed Imelda e Gion Giachen Monn.

2 Elecziun d'in dumbravuschs

Sco dumbravuschs vegn Hans Jacomet, Sedrun, eligius.

3 Prelecziun ed aprobaziun dil protocol dalla radunonza generala dils 20 da schaner 2023

Il protocol ei staus publicaus sin nossa pagina d'internet. Aschia ha mintgin e mintgina saviu prender investa da quel. Ord quei motiv vegn il protocol buca prelegius alla hodierna radunonza. Dils presents vegn el approbaus unanimamein senza remarclas ed objecziuns cun admetter engraziament al nuder Tarcisi Hendry, Sedrun.

4 Rapport annual 2023

President André Schmid presenta entginas da nossas occurrenzas digl onn 2023. Oravontut ein quellas sefatgas en rama dil program da TujetschVIVAcultura.

- L'occurrenza ch'il FcT organisescha gia dapi onns ei l'excursiun culturala che ha quellaga giu liug ella Val S. Pieder. Ensemen cun participonts/as dalla Uniun Archiv cultural Sumvitg vein nus fatg part d'ina guida atras il vitg ed alla fin gudiu comunablamein ina marena.
- Per la secunda ga ha giu liug la sentupada dallas vischnauncas da Sursassiala a Stagias. Per l'organisaziun e per il program ha la vischnaunca da Mustér procurau.
- La FotograVia 2023 a Sedrun ha mussau fotos veglias culla tematica "alpicultura" dalla val e la sera da film ei vegniu mussau ina revista da films dad rtr cun eveniments historics dils onns 1980/90 e films da Tumaish Monn-Soliva, Sedrun.
- Il di dil museum ei tradiziun. Ensemen culs responsabels dil museum ei il program mintg'onn semegliants: films da Tujetsch, viseta el museum, cristallas e cultura e pulenta cun groma. Uonn havein nus dau l'entschatta cull'occurrenza gia allas 11:30, quei che ha giu in bien effect sin la cuschina e la cassa da nossa uniun.
- En rama da TujetschVIVAcultura han 17 occurrenzas giu liug el decuors digl onn 2023. La partricipaziun ei stada fetg buna e cuntenteivla pils organisateurs, Museum La Truaisch, IGTujetsch e Forum cultrural Tujetsch, cun in diember total da rodund 750 participonts/as.

5 **Rendaquen, rapport dil revisur ed approvaziun dil quen 2023**
President André Schmid presenta il quel 2023

Tier las entradas grondas s'audan:

Contribuziuns dils commembers/as, fautors/as	5'185.00
Contribuziun dalla vischnaunca	10'000.00
Contribuziuns pigl archiv cultural	142'140.33
Vendita cudisch Vischala da Bugnei	1'120.00
Contribuziun Regiun Surselva	4'500.00

Las expensas grondas ein stadas:

Stampat cudisch Vischala Bugnei	15'990.00
Project Truaisch Rueras	22'378.00
Archiv cultural Tujetsch, architect, lenna, spesas	96'140.68

Resumaziun e survesta

Quen da gudogn e sperdita 01-01-2023 – 31-12-2023

Entradas totalas	166'907.81
Expensas totalas	140'011.28
Gudogn 2023	26'896.53

Bilanza pils 31 da december 2023

Agen capital per ils 31 da december 2022	593'094.39
Agen capital per ils 31 da december 2023	619'990.92
Fatg anavon 2023	26'896.53

Rapport da revisiun

Il rapport dil revisur Simon Cavegn ei mess a scret e muort nunpreschientscha (perstgisaus) dil revisur vegn quel prelegius entras il president.
Il quen vegn acceptaus da tuts presents ed ils responsabels retscheivan scarica.

6 **Contribuziun annuala**

Sin proposta dalla suprastanza dil Forum cultural Tujetsch vegn la contribuziun annuala laschada sco tochen dacheu, numnadamein minimal 30 frs.

7 **Elecziuns**

a) suprastanza

Reeligi vegnan president André Schmid Sedrun ed actuar Tarcisi Hendry, Gonda/Sedrun

b) revisur da quen
Reeligius vegn Simon Cavegn, Sedrun

Simona Giossi ei ussa in onn en suprastonza dil FcT ed ei uonn buca en elecziun. Cun risguard sin sia scolaziun e niev engaschi en vischnaunca vegn ella aunc levgiada empau da lavur e sedutas. Aschia han il president ed igl actuar surpriu communablamein igl uffeci da cassier.

La nova suprastonza secumpona vinavon sco la precedenta: André Schmid, Tarcisi Hendry, Simona Giossi e revisur Simon Cavegn.

8 Program da lavur e projects 2024

En rama da TujetschVIVAcultura porschan ils organisaturs era uonn 17 occurrenzas culturalas el decuors digl onn 2024.

Il program cumpeglia tschun referats, quater excursiuns, treis sentupadas, la sera da film, la FotograVIA e da niev ina viseta ad in concert ad Andermatt LGT Young Soloists.

En rama dils 600 onns Ligia Grischa porscha TujetschVIVAcultura era duas occurrenzas, ina cun in referat davart la historia dalla Ligia Grischa cun Adolf Collenberg ed ina guida allas ruinas dil casti da Putnengia.

Archiv cultural Tujetsch

Il punct culminont pil FcT vegn senza dubi ad esser l'inauguraziun digl archiv cultural. Quella fiasta ha liug ils 14 da december 2024 en rama d'ina fiasta.

9 Varia

Norbert Vinzens plaيدا dalla radunonza da vischnaunca dils 6 da december 2023 e da sia trumpada dalla construcziun nunacceptabla d'ina tuor da lenn a Putnengia. Tenor el seigi l'informaziun stada munglusa e ch'il FcT hagi quella sera muncau cun ina intervenziun e declaronza.

President André Schmid pren posiziuon: Responsabels pil project seigi la suprastonza communal, sper igl archiv cultural fussi ei buca stau pusseivel da lantschar aunc quella construcziun. Il FcT persequitescha zuar gia dapi onns in tal project ed il project actual seigi il tschunavel da quei gener. Il FcT ei sepurschius dad esser gideivels ella finanziaziun (damondas ad instituziuns ed auter).

Nus essan pia buca stai integrai el svilup e process dil project. A caschun dallas empremas brevs da damondas finanziaias havein nus giu investa ella documentaziun ed era da leu priu enconuschientscha dil project, finanziaimein e visualmein. Alla radunonza da vischnaunca seigi denton tut in auter concept dalla tuor vegnida presentada. Ei fussi pia stau nunprudent da palesar quei e cartivel aunc pli disturbont per ils participonts/as alla radunonza da vischnaunca.

Las autoritads communalas persequiteschien vinavon il project a Putnengia cun procurar sez, ensemen cul FcT, per la finanziaziun.

10 Conclusiun

President André Schmid engrazia a tuts presents/a per la participaziun, giavischa a tuts aunc ina biala sera, buna notg ed a bien seveser.

El envida tuts presents a nies program final ed alla buna caschun da guder in sitg e mams dultschs cun tgirar buns discuors culturalas.

11 Program final

Emil Soliva ha avon temps giu surdau ina retscha da films filmai cun super 8 cun ina lunghezza da rodund 110 minutas. In tagl da siat minutas cun diversas scenas da different gener astgan ils participonts guder.

Silsuenter dat ei aunc ina cuorta vista ella partiziun da vischala da Bugnei. Leu presenta Tarcisi Hendry igl actual project en connex culla vischala da Bugnei. Novas vitrinas presentan da niev la vischala a moda bia pli veseivla e simpatica. La gronda midada en quella stanza ei denton l'installaziun dalla suletta pegna da tiaracotga aunc existenta ord il luvratori Deragisch. Curontatreis onns eis ella stada deponida els magazins dil Museum Retic a Cuera. Sin damonda dil MLT ein ils responsabels dil Museum Retic stai beinvulents da surdar la pegna al museum a Sedrun. El decuors dallas proximas jamnas vegn quella reconstruida ella stanza da vischala.

Aschuntas a quei protocol:

- Survesta dil quen dil FcT 2023
- Program cultural TujetschVIVAcultura 2023
- Program cultural TujetschVIVAcultura 2024

Sedrun, 25 da schaner 2024

Il nuder:



Tarcisi Hendry

Publicaus cun resalva dall'approbaziun dalla radunonza generala 2025!